

三儀同卷

卷二

玉錄資度早朝儀

玉錄資度午朝儀

玉錄資度晚朝儀

玉錄資度早朝儀

法事如式

各禮師存念如法

請宣神呪

青陽座映曜日回靈神虎辟邪飛天流鈴

摧奸滅試萬魔束形九微回道八威攝精

千真校錄三元蕩清左肅中黃右第六丁

七轉八合周旋天經聖化魏魏大道興行

慶雲流布合景黃庭

鳴法鼓二十四通

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍者金童傳言散花玉女五

帝真符直日香官各三十六人出出者嚴裝

顯服冠帶垂纓關唇玄壇土地方域神真臣

今早朝陞壇行道謹奉為入意其諸忱悃已錄告聞願得

太上十方至真道炁靈寶慧光下降流入臣

等身中令臣所啓達達徑御

太上無極大道三清上聖昊天金闕玉皇上

帝東極慈尊青玄上帝道前

請繕法位

其位臣姓某與臨壇官眾等謹同誠上啓

虛無自然至真無極大道元始天尊太上道

君太上老君高上玉皇上帝紫微北極大帝

紫微天皇大帝后土皇地祇東極青華大帝

南極長生大帝無上玉帝玉虛上帝東華南

極西靈北真玄都玉京金闕七寶瓊臺紫微

上宮靈寶至真明皇道君十方已得道大聖

眾至真諸君丈人大慈大悲救苦真人救度

真人大惠真人注生真人普救真人香林會

中法解真人三十六部尊經玄中大法師三

天大法師靈寶經籍度三師真君正一嗣系

女三師真君三界官屬一切真靈臣聞赤明

開闢數三元於祖炁青玄御運宏十極之真

光威神凝妙於紫金慈力敷華於翠玉香林駐景環音尊應念之慈養樹騰輝瓊表尊聲之惠二府雲聯而宗德九司星列以推仁赫赫靈功魏魏聖化臣等福由宿慶運際昌期仰妙成於身希夷師錫擊鸞圖於時後微妙天開莫高蹈於鵬搏乃卑棲而駒逐學真括過退堅勵已之誠宏道之功進勉度人之力恭承

上合敢不告聞以令欽奉

綸音崇修玉錄資為其靈虔潔已以輪誠謹

齋心而瀝悃歸心東極願開甘露之門為福

某靈早證紫虛之位恩流宗社澤被入天以

今早朝陞壇行道請法眾等運茲初檢上香

願此香煙騰空徑上供養

無上至真道寶臣等皈身皈神皈命首體沒

地仰依

太上三尊十方眾聖願以是香功德瑞為

其靈增崇天福登進仙階恭願神空碧高

步如青擁環珮以朝元慶延

聖祚被藻旒而問道祥行神符今故燒香自

皈依

師尊大聖眾至真之德得道之後保天長存和與道合真

以今早朝陞壇行道請法眾等運茲二捨上香願此香煙騰空徑上供養

無上至真經實臣等皈身皈神皈命首體投地仰依

太上三尊十方眾聖願以是香功德端為其靈登真仗樂進陞道遙恭願天詔下頒玄恩誕錫翠華寶幄昇雲衢而直上朱陵玉輦

丹與朝西靈而高居絳闕推恩寶祚垂裕金枝今故燒香自皈依

師尊大聖眾至真之德得道之後昇入無形和與道合真

以今早朝陞壇行道請法眾等運茲三捨上香願此香煙騰空徑上供養

無上至真師寶臣等皈身皈神皈命首體投地仰依

太上三尊十方眾聖願以是香功德端為其靈悟道登真疑神入妙恭願紫府成真玄

其靈悟道登真疑神入妙恭願紫府成真玄

都錫命金與羽葆沖清虛而歸大梵之天鳳

表鸞姿步瑤華而陟闕苑之境慈澤永流於百世仁恩啓佑於萬年今故燒香自皈依

師尊大聖眾至真之德得道之後永保長存和與道合真

唱方

懺方

具位臣姓某與臨壇官眾等謹同誠上啓

三清上聖東極慈尊三界真仙無鞅眾聖臨筵設像一切真靈恭望洪慈洞垂昭鑒臣聞

道尊太一端神化於十方教行大千流玄恩於鬱絕凝虛無之玉相承元始之金光百寶

流明開宸輝於夜壑九微回曜啟朝景於寒庭庶提風澤之幽霽均步雲霄之渺莽以今

欽奉

論音爰遵慈符肅建芝壇誦修玉籙之妙齋庸薦真靈之冥福聞經聽法朝獅御以依光

度命登真步龍墀而御景慶延

宗社澤被顯幽上願舒樞澄湛坤軸清凝日月輝華山河寧謐三烽息警戮樂意於堯

疆五穀告成鴻鴈棲身於舜畝夜壑遂仙飛之樂寒庭無校錄之虞動植飛潛俱承惠澤

四生六道悉被慈雲則上明天尊大慈之化下副臣等皈命之誠謹啓以

發願

存神燒香

香官使者左右龍虎君侍香諸靈官當今臣向來早朝陞壇行道之所自然生金液丹碧

之英百靈眾真交會在此香火鐘前當願誠意感通真靈升度克證神仙之果普資家國之恩十方仙童玉女接待蘭煙傳臣向來所

啓之誠速達徑御

至真無極大道三清上聖昊天金闕玉皇上帝東極慈尊首玄上帝道前

出堂頌

玉籙資度早朝儀